



Broj: 01-50-1-15-43/04.
Sarajevo, 8. septembra 2004.

Z A P I S N I K

43. sjednice Predstavničkog doma Parlamentarne skupštine Bosne i Hercegovine,
održane 7. i 8. septembra 2004. godine

Sjednica je počela 7. septembra u 10,10 sati. Prisustvovalo je 39 poslanika. Opravdano su odsustvovali: Abdulah Nakaš, Mirko Blagojević i Munib Jusufović.

Iz Vijeća ministara prisustvovali su ministar Mirsad Kebo i zamjenik ministra Jusuf Kumalić.

Iz međunarodnih organizacija sjednicu su pratili Maja Ribar - OHR i Mirsad Žiga - američka ambasada.

Sjednici su prisustvovali i Brano Dursun, predsjednik Društva crvenog križa BiH, i Nada Dojčinović i Jasmina Kurbašić – u ime Međunarodnog crvenog križa.

Predsjedavajući Martin Raguž dao je kratke uvodne napomene u vezi s prijedlogom dnevnog reda. Upoznao je poslanike o tome da je na Proširenom kolegiju prihvaćena sugestija Kolegija da se, zbog obimnosti dnevnog reda, iz prijedloga skine tačka "Poslanička pitanja i odgovori", te da u dnevnom redu ostaju ostale tačke koje su poslanici u pozivu za sjednicu dobili.

Zlatko Lagumdžija predložio je da se dnevni red dopuni uvrštavanjem Prijedloga rezolucije o zabrani slanja svih vojnih i policijskih formacija u misije u inozemstvo do donošenja odgovarajućeg zakona. Svoj prijedlog detaljno je obrazložio.

Predsjedavajući Doma Martin Raguž napomenuo je da je predloženi dnevni red usaglašen na sjednici Kolegija u proširenom sastavu, koja je održana neposredno pred početak sjednice Doma, te da Prošireni kolegij nije upoznat o Prijedlogu rezolucije. Podsjetio je na odredbu člana 121. Poslovnika i sugerirao da se Prijedlog rezolucije uputi nadležnoj komisiji na prethodno razmatranje.

Povodom prijedloga za dopunu dnevnog reda diskutirali su: Seada Palavrić, Momčilo Novaković, Mladen Potočnik, Jozo Križanović, Milorad Živković, Vinko Zorić, kao i Zlatko Lagumdžija.

Lagumdžija je u ponovnoj diskusiji predložio, ukoliko Dom ne prihvati da se u dnevni red uvrsti Prijedlog rezolucije, da se usvoji zaključak koji je sadržan u 1. tački Prijedloga rezolucije, a to je da se zabranjuje slanje svih vojnih i policijskih formacija u inozemstvo dok se ne donese odgovarajući zakon.

Nakon rasprave, predsjedavajući je rekao da ostaje na stanovištu da je veoma važno pitanje koje tretira predložena rezolucija i da stoga treba osigurati da poslanici mogu dobiti relevantne informacije i obaviti kvalitetnu raspravu, pa je predložio da se Prijedlog rezolucije uputi na prethodno razmatranje u nadležnu komisiju, u skladu s članom 121. stav 2. Poslovnika Predstavničkog doma.

Ovaj prijedlog usvojen je sa 22 glasa za, 13 protiv i 4 uzdržana – iz Federacije BiH za je glasalo 14, iz Republike Srpske 8.

Poslije usvajanja prethodnog zaključka, Zlatko Lagumdžija tražio je da se Dom izjasni o njegovom prijedlogu zaključka, naglasivši da se, u suprotnom, krši Poslovnik.

Predsjedavajući Raguž odgovorio je da je prijedlog zaključka sastavni dio Prijedloga rezolucije i da se i o njemu treba raspraviti u nadležnoj komisiji, te da se, stoga, Dom o predloženom zaključku ne

treba izjašnjavati. Ovim je zaključio raspravu o predloženom dnevnom redu, pa je konstatirao da 43. sjednica ima sljedeći

DNEVNI RED

1. Zapisnici 41. i 42. sjednice Predstavničkog doma,
2. Izvještaj Komisije Kolegija o nastojanju za postizanje sporazuma o prijedlogu zaključka povodom razmatranja Prijedloga projekta za utvrđivanje trošenja donatorskih sredstava,
3. Izvještaj Zajedničke komisije oba doma o nastojanju za postizanje sporazuma o istovjetnom tekstu Zakona o izmjenama i dopunama Zakona o Pravobranilaštvu Bosne i Hercegovine,
4. Zahtjev Vijeća ministara za razmatranje Prijedloga zakona o izmjenama i dopunama Zakona o Sudu Bosne i Hercegovine po hitnom postupku, u skladu s članom 105. Poslovnika,
5. Zahtjev Vijeća ministara za razmatranje Prijedloga zakona o izmjenama i dopunama Zakona o Tužilaštvu Bosne i Hercegovine po hitnom postupku, u skladu s članom 105. Poslovnika,
6. Zahtjev Vijeća ministara za razmatranje Prijedloga zakona o izmjenama i dopunama Krivičnog zakona Bosne i Hercegovine po hitnom postupku, u skladu s članom 105. Poslovnika,
7. Zahtjev Vijeća ministara za razmatranje Prijedloga zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini po hitnom postupku, u skladu s članom 105. Poslovnika,
8. Zahtjev Vijeća ministara za razmatranje Prijedloga zakona o izmjenama i dopunama Zakona o zaštiti svjedoka pod prijetnjom i ugroženih svjedoka po hitnom postupku, u skladu s članom 105. Poslovnika,
9. Zahtjev Vijeća ministara za razmatranje Prijedloga zakona o osnivanju Izvozno-kreditne agencije Bosne i Hercegovine po hitnom postupku, u skladu s članom 104. Poslovnika,
10. Zahtjev Vijeća ministara za razmatranje Prijedloga zakona o uplatama na jedinstveni račun i raspodjeli prihoda po hitnom postupku, u skladu s članom 104. Poslovnika,
11. Zahtjev Vijeća ministara za razmatranje Prijedloga zakona o finansiranju institucija Bosne i Hercegovine po hitnom postupku, u skladu s članom 104. Poslovnika,
12. Prijedlog zakona o Agenciji za unapređenje stranih investicija u Bosni i Hercegovini (drugo čitanje),
13. Prijedlog zakona o flaširanim pitkim vodama Bosne i Hercegovine (prvo čitanje),
14. Prijedlog zakona o Društvu crvenog križa Bosne i Hercegovine (prvo čitanje),
15. Prijedlog zakona o izmjeni Krivičnog zakona Bosne i Hercegovine, predlagач poslanik Selim Bešliagić (prvo čitanje),
16. Prijedlog zakona o Auto-moto savezu Bosne i Hercegovine – predlagач poslanik Momčilo Novaković (prvo čitanje),
17. Prijedlog zakona o porezu na dodanu vrijednost (PDV), (prvo čitanje),
18. Prijedlog zakona o carinskoj politici Bosne i Hercegovine (prvo čitanje) – Zakon broj: 01,02-2-70/04. od 29.7.2004.
19. Prijedlog zakona o utvrđivanju i načinu izmirenja unutrašnjeg duga Bosne i Hercegovine (prvo čitanje),
20. Prijedlog zakona o Državnoj graničnoj službi (prvo čitanje),
21. Prijedlog zakona o nadzoru i kontroli prelaska državne granice (prvo čitanje),
22. Prijedlog zakona o izmjenama i dopunama Zakona o ombudsmenu za ljudska prava Bosne i Hercegovine (prvo čitanje),
23. Prijedlog zakona o nestalim osobama u Bosni i Hercegovini (prvo čitanje),
24. Prijedlog zakona o plaćama i naknadama sudijske i tužilačke dužnosti i državnih službenika i zaposlenika u Sudu i Tužilaštvu Bosne i Hercegovine (prvo čitanje),
25. Izvještaj Izborne komisije Bosne i Hercegovine o finansiranju Općinskih izbora 2004. godine,
26. Prijedlog rezolucije o uvođenju moratorija na sve zakone i odluke kojima se uvode nove privilegije izabranih zvaničnika u izvršnoj i zakonodavnoj vlasti – predlagач poslanik Zlatko Lagumdžija,
27. Imenovanje člana Vijeća Regulatorne agencije za komunikacije Bosne i Hercegovine,
28. Imenovanje tri člana u Zajedničku komisiju oba doma radi postizanja sporazuma o istovjetnom tekstu Zakona o javnim nabavkama Bosne i Hercegovine,
29. Davanje saglasnosti za ratifikaciju Sporazuma između Bosne i Hercegovine i Organizacije za zabranu hemijskog oružja (OPCW) o privilegijama i imunitetima OPCW-a.

Ad – 1: Zapisnici 41. i 42. sjednice Predstavničkog doma

U okviru rasprave o zapisnicima, Selim Bešliagić kazao je da je u Zapisniku 41. sjednice, u vezi s tačkom 18., korektno sve navedeno, ali da on ima primjedbu da je na 41. sjednici u listingu glasanja o Izvještaju Ustavno-pravne komisije navedeno da on prilikom glasanja nije prisustvovao sjednici, što nije tačno. Zatražio je da se ova primjedba unese u zapisnik, a da se uz Zapisnik 41. sjednice priloži listing glasanja o Izvještaju Ustavno-pravne komisije o Prijedlogu zakona o agenciji za osiguranje prisilnog oduzimanja imovine stečene krivičnim djelima i upravljanje oduzetom imovinom.

Predsjedavajući Raguž dao je na glasanje zapisnike, s primjedbom Selima Bešliagića.

Zapisnici 41. i 42. sjednice, s navedenom primjedbom, usvojeni su jednoglasno.

Ad – 2: Izvještaj Komisije Kolegija o nastojanju za postizanje sporazuma o prijedlogu zaključka povodom razmatranja Prijedloga projekta za utvrđivanje trošenja donatorskih sredstava

Predsjedavajući Raguž podsjetio je poslanike da je u Komisiji Kolegija postignut sporazum usvajanjem zaključka koji su poslanici u Izvještaju dobili, o čemu se Dom obavještava, u skladu s članom 65. stav 3. Poslovnika.

Ad – 3: Izvještaj Zajedničke komisije oba doma o nastojanju za postizanje sporazuma o istovjetnom tekstu Zakona o izmjenama i dopunama Zakona o Pravobranilaštvu Bosne i Hercegovine

O Izvještaju Zajedničke komisije nije bilo rasprave.

Sa 38 glasova za (jednoglasno) usvojen je Izvještaj Zajedničke komisije o usaglašavanju Zakona o izmjenama i dopunama Zakona o Pravobranilaštvu Bosne i Hercegovine.

Ad – 4: Zahtjev Vijeća ministara za razmatranje Prijedloga zakona o izmjenama i dopunama Zakona o Sudu Bosne i Hercegovine po hitnom postupku, u skladu s članom 105. Poslovnika

Momčilo Novaković izrazio je iznenađenje da se, kako je rekao, ovako ozbiljan set zakona, kao što su zakoni od 4. do 8. tačke dnevnog reda, predlažu po članu 105. Poslovnika. Ako bi se poslovnčki poštovao član 105., onda to podrazumijeva određene uslove koje Vijeće ministara treba imati u vidu prilikom predlaganja nekog zakona po hitnom postupku, bez prava amandmanskog djelovanja, ali da on nije mogao naći dovoljno argumenata da je Vijeće ministara o tome vodilo računa. Naglasio je da mu se čini da se predlaganjem procedure po članu 105. više izražava namjera da se zakoni usvoje bez amandmana, a ne da se usvajaju hitno, rekao je, pored ostalog, Momčilo Novaković. Zbog toga je pozvao ministra pravde da podnese ostavku. Iznio je stav Kluba SDS-a da se ovaj i naredna 4 zakona razmatraju u redovnoj proceduri i da će oni, stoga, glasati protiv procedure po članu 105.

U daljnjoj raspravi učestvovali su:

Seada Palavrić – u ime Kluba SDA, podržala je zahtjeve Vijeća ministara da se set ovih zakona donese po članu 105. i, pored ostalog, naglasila da ovi zakoni omogućavaju da Sud BiH preuzme predmete iz Haškog tribunala.

Beriz Belkić – rekao je da će Klub Stranke za BiH podržati da se navedeni set zakona razmatra po članu 105., iako uvažava i razumije razloge koje su iznijeli Novaković i Kunić. Naglasio je da projekat uvođenja Suda i Tužilaštva BiH jako dugo traje i da je u Parlamentu BiH ranije postignut konsenzus o uvođenju ovih institucija. Uputio je kritiku resornom ministarstvu što nije prisutan neko ko bi pratio njegov projekat, što bi jako pomoglo radu Parlamenta.

Nikola Špirić – rekao je da se radi o vrlo bitnim izmjenama i dopunama zakonskih projekata, ali se sada načinom rasprave dolazi u koliziju s proklamovanim i suštinskim ponašanjem kad su u pitanju reforme pravosudnog sistema BiH. Dalje je, pored ostalog, rekao da se slaže da bi sistemski zakoni trebali ići u redovnu proceduru da je pokazana efikasnost u radu Parlamenta, ali da misli da BiH nije u situaciji da čeka i da godinama stvara političko raspoloženje kad je u pitanju saradnja s Haškim tribunalom i borba protiv organiziranog kriminala u BiH, te da pravosudnim institucijama treba stvoriti uslove da rade svoj posao.

Poslije rasprave, predsjedavajući je zahtjev Vijeća ministara dao na glasanje.

Za zahtjev su glasala 22, protiv 12, uzdržala su se 4 poslanika. Po entitetima, iz Federacije za je glasalo 18, iz Republike Srpske 4.

Predsjedavajući je konstatirao da zahtjev Vijeća ministara nije dobio entitetsku većinu i da će se provesti postupak usaglašavanja po predviđenoj poslovničkoj proceduri.

Ad – 5. do 8.

U okviru ovih tačaka nije bilo rasprave, pa je izvršeno glasanje o zahtjevima Vijeća ministara. Kako nije bilo entitetske većine, provest će se postupak usaglašavanja o zahtjevima da se po članu 105. razmatraju:

- Prijedlog zakona o izmjenama i dopunama zakona o Tužilaštvu Bosne i Hercegovine,
- Prijedlog zakona o izmjenama i dopunama Krivičnog zakona Bosne i Hercegovine,
- Prijedlog zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini,
- Prijedlog zakona o izmjenama i dopunama Zakona o zaštiti svjedoka pod prijetnjom i ugroženih svjedoka po hitnom postupku.

Ad – 9. do 11.

Povodom 9. tačke, kratko je diskutirao Miloš Jovanović. Nakon toga, Dom je usvojio zahtjeve Vijeća ministara da se po članu 104. Poslovnika razmatraju:

- Prijedlog zakona o osnivanju Izvozno-kreditne agencije Bosne i Hercegovine,
- Prijedlog zakona o uplatama na jedinstveni račun i raspodjeli prihoda i
- Prijedlog zakona o finansiranju institucija Bosne i Hercegovine po hitnom postupku.

Ad – 12: Prijedlog zakona o Agenciji za unapređenje stranih investicija u Bosni i Hercegovini (drugo čitanje)

U uvodnim napomenama predsjedavajući je podsjetio da je na 42. sjednici Dom zaključio da se da nova komisijska faza i da nadležna komisija podnese novi izvještaj. Naglasio je da je Komisija podnijela novi izvještaj koji je identičan prethodnom, a da je Azra Hadžiahmetović podnijela amandman koji želi ponovo braniti u plenarnoj fazi.

Azra Hadžiahmetović obrazložila je razlog podnošenja amandmana u plenarnoj fazi. Pored ostalog, kazala je da Komisija nije bila jedinstvena, jer su 3 člana glasala za, jedan protiv, a 3 su se uzdržala.

Petar Kunić, predsjedavajući Komisije za vanjsku trgovinu i carine, govoreći o glasanju o amandmanu, rekao je da je na Komisiji konstatirao da je amandman prošao, ali su ga upozorili da nije dobio većinu.

Šefik Džaferović rekao je da ima poslovničku intervenciju, a to je da je u Izvještaju pogrešno navedeno da amandman nije usvojen, a s rezultatom glasanja 3 za, jedan protiv i 3 uzdržana amandman je usvojen.

U okviru ove tačke još su diskutirali: Mladen Potočnik, Ljiljana Milićević, Beriz Belkić i Martin Raguž. Nakon rasprave, data je pauza kako bi nadležna komisija razjasnila situaciju u vezi s greškom u Izvještaju.

Nakon pauze, predsjedavajući Komisije Petar Kunić obavijestio je Dom da je Komisija prihvatila konstataciju da je amandman Azre Hadžiahmetović usvojen s 3 glasa za, jednim protiv i 3 uzdržana.

Predsjedavajući Raguž dao je zatim na glasanje Prijedlog zakona u drugom čitanju.

Sa 33 glasa za i 2 protiv Dom je usvojio Zakon o Agenciji za unapređenje stranih investicija.

Ad – 13: Prijedlog zakona o flaširanim pitkim vodama Bosne i Hercegovine (prvo čitanje)

Mirsad Ćeman, govoreći kratko u ime Ustavno-pravne komisije, ukazao je na tehničke greške u Aneksu I dio b) Prijedloga zakona.

Drugih diskusija nije bilo, pa je Dom jednoglasno usvojio Prijedlog zakona u prvom čitanju. Također je usvojen i prijedlog predsjedavajućeg da se pređe u raspravu u drugom čitanju.

U drugom čitanju nije bilo rasprave.

Sa 35 glasova (jednoglasno) usvojen je Zakon o flaširanim pitkim vodama.

Ad – 14: Prijedlog zakona o Društvu crvenog križa Bosne i Hercegovine (prvo čitanje)

Poslije uvodnih napomena predsjedavajućeg, kratko je diskutirao Milorad Živković.

Dom je jednoglasno usvojio Prijedlog ovog zakona u prvom čitanju, kao i prijedlog predsjedavajućeg da se pređe u drugo čitanje.

U drugom čitanju nije bilo rasprave.

Zakon o Društvu crvenog križa usvojen je jednoglasno.

Ad – 15: Prijedlog zakona o izmjeni Krivičnog zakona Bosne i Hercegovine, predlaže poslanik Selim Bešlić (prvo čitanje)

U okviru ove tačke nije bilo rasprave, pa je predsjedavajući Prijedlog zakona dao na glasanje u prvom čitanju.

Za je glasalo 29, protiv 7 poslanika. Po entitetima, iz Federacije za je glasalo 26, iz Republike Srpske 3.

Predsjedavajući je konstatirao da Prijedlog zakona nije dobio entitetsku većinu i da će se provesti postupak usaglašavanja.

Ad – 16: Prijedlog zakona o Auto-moto savezu Bosne i Hercegovine – predlaže poslanik Momčilo Novaković (prvo čitanje)

U raspravi povodom ove tačke učestvovali su: Momčilo Novaković, Mirsad Ćeman, Petar Kunić, Miloš Jovanović i Selim Bešlić.

Nakon rasprave, Dom se izjasnio o Prijedlogu zakona u prvom čitanju.

Za Prijedlog zakona glasalo je 19, protiv 12, uzdržala su se 4 poslanika. Po entitetima, iz Republike Srpske za je glasalo 11, iz Federacije 8.

Predsjedavajući je konstatirao da ni ovaj zakonski prijedlog nije dobio entitetsku većinu i da će se provesti postupak usaglašavanja u Komisiji Kolegija.

Nakon završetka 16. tačke, predsjedavajući je dao pauzu zbog obraćanja predsjednika Svjetske banke poslanicima i delegatima Parlamentarne skupštine.

Nakon završetka dijela sjednice u kojem se poslanicima i delegatima obratio gosp. Džejms Volfenson, predsjedavajući Doma Martin Raguž obavijestio je poslanike da se s predsjedavajućim klubova poslanika i delegata dogovorio da se ovim završi rad sjednice 7. septembra, a da se sjednica nastavi narednog dana u 9.00 sati.

Sljedećeg dana, 8. 9. 2004., sjednica je počela u 9,00 sati. Prisustvovalo je 36 poslanika. Odsustvovali su: Izet Hadžić, Nadžida Mlaćo, Abdulah Nakaš, Mehmed Suljkanović, Nikola Kragulj i Munib Jusufović.

Iz Vijeća ministara sjednici su prisustvovali Dragan Doko i Jusuf Kumalić, a iz OHR-a Maja Ribar. Također su prisustvovali predstavnici Društva crvenog križa BiH i Međunarodnog crvenog križa.

Sjednica je nastavljena na 17. tački dnevnog reda.

Ad – 17: Prijedlog zakona o porezu na dodanu vrijednost (PDV)

U uvodnim napomenama predsjedavajući Doma Martin Raguž podsjetio je da je nadležna komisija dostavila Izvještaj i da je usvojila 27 amandmana na Prijedlog zakona, a da je u plenarnoj fazi amandmane podnijela Seada Palavrić, kao i Momčilo Novaković, ali da njegovi amandmani nisu dostavljeni u poslovničkom roku. Zatim je o Prijedlogu zakona otvorio raspravu.

Zlatko Lagumdžija zatražio je da predsjedavajući Vijeća ministara ili resorni ministar Domu podnesu obrazloženje Prijedloga zakona prije rasprave. Pored ostalog, rekao je da se radi o sistemskom zakonu o čijoj važnosti nije ni potrebno govoriti.

Tihomir Gligorić podržao je zahtjev Zlatka Lagumdžije i rekao da je sjednici trebalo da prisustvuje predsjedavajući Vijeća ministara ili da osigura adekvatnu zamjenu.

Beriz Belkić također je podržao prijedlog da se Domu prije rasprave obrati predstavnik predlagača zakona i da poslanici dobiju informacije koje nemaju, pogotovo što je nadležna komisija usvojila amandmane kojim se mijenjaju principi zakona.

Vinko Zorić, pored ostalog, kazao je da je dobro da obrazloženje zakona podnese predstavnik predlagača, ali da to bude kompetentna osoba koja ima ovlaštenja. Prigovorio je što iz Vijeća ministara nije prisutan predsjedavajući i odgovarajući ministri kada se raspravlja o ovako važnom zakonskom projektu.

Poslije ovih diskusija uvodno izlaganje o Prijedlogu zakona o PDV-u podnio je zamjenik ministra trezora i finansija **Jusuf Kumalić**.

Nakon uvodnog izlaganja zamjenika ministra o Prijedlogu zakona o porezu na dodanu vrijednost, vođena je duga rasprava, u kojoj su učestvovali: Zlatko Lagumdžija, Šefik Džaferović, Muhamed Moranjkić, Mladen Potočnik, Sead Avdić, Petar Kunić, Selim Bešliagić, Jozo Križanović, Nijaz Duraković, Beriz Belkić, Seada Palavrić, Ljiljana Milićević, Vinko Zorić, Ruža Sopta, Momčilo Novaković, Nikola Špirić, Ivo Miro Jović, Tihomir Gligorić, Milorad Živković, Adem Huskić, Fatima Leho i Filip Andrić.

Poslije dugotrajne rasprave, predsjedavajući Doma konstatirao je da je rasprava o Prijedlogu zakona o PDV-u opravdala potrebu da poslanici i Dom kažu svoje mišljenje o ovom zakonu. Naglasio je da on lično, kao i Kolegij Doma, apsolutno stoje iza rada Komisije za finansije i budžet i da niko od poslanika danas nije doveo u pitanje njen rad. Naglasio je da je nadležna komisija uložila ogroman trud i da je pogotovo značajna činjenica da je do popravki Zakona u Komisiji došlo konsenzusom, što Dom mora svojim zaključkom afirmirati. U tom smislu, a imajući u vidu i prijedloge iznesene u raspravi, predsjedavajući je iznio sadržaj prijedloga zaključka.

Nakon iznošenja prijedloga zaključka, u kratkim diskusijama intervenirali su Sead Avdić i Jozo Križanović. Zatim je Dom, sa 33 glasa za i 2 uzdržana, usvojio sljedeći

Z A K L J U Č A K

1. Dom apsolutno podržava Izvještaj Komisije za finansije i budžet i usvaja načela Prijedloga zakona o porezu na dodanu vrijednost (PDV) koja su sadržana u Izvještaju.

2. Komisiji se daje rok od 15 dana za razmatranje eventualno novih amandmana, koji će biti na tragu usvojenih načela (diferencirana stopa PDV-a), te za provođenje neophodnih konsultacija s relevantnim faktorima i utvrđivanje, na analitici dobijenih, pokazatelja na osnovu kojih će se odrediti stope PDV-a unutar diferenciranih stopa.

Ad – 18: Prijedlog zakona o carinskoj politici Bosne i Hercegovine (prvo čitanje)

– Zakon broj: 01,02-2-70/04. od 29.7.2004.

O Prijedlogu zakona nije bilo rasprave, pa je usvojen u prvom čitanju. Za Prijedlog zakona glasalo je 20, a 2 poslanika su se uzdržala. Za razmatranje Prijedloga zakona u drugom čitanju nije bilo podrške poslanika.

Ad – 19: Prijedlog zakona o utvrđivanju i načinu izmirenja unutrašnjeg duga Bosne i Hercegovine (prvo čitanje)

Kratko je diskutirao Muhamed Moranjkić.

Zakon o utvrđivanju i načinu izmirenja unutrašnjeg duga BiH usvojen je i u prvom i u drugom čitanju. Za Zakon su glasala 23, a uzdržala su se 4 poslanika.

Ad – 20: Prijedlog zakona o Državnoj graničnoj službi (prvo čitanje)

Nije bilo rasprave o Prijedlogu zakona, pa je usvojen u prvom čitanju. Za je glasalo 26, uzdržala su se 2 poslanika.

Ad – 21: Prijedlog zakona o nadzoru i kontroli prelaska državne granice (prvo čitanje)

Šefik Džaferović je, u ime nadležne komisije, rekao da je, nakon što je Komisija završila rad, dostavljeno pismo iz Uprave za indirektno oporezivanje i da je u tom pravcu stigla i intervencija iz Ureda visokog predstavnika, te da se radi o tome da bi Prijedlog zakona u nekim segmentima trebalo

dograditi. Iznio je mišljenje da bi bilo dobro da se omogući nova amandmanska faza kako bi se sagledale ove primjedbe.

Prijedlog Šefika Džaferovića podržao je u svojoj raspravi i Mirsad Ćeman.

Poslije rasprave usvojen je zaključak (sa 29 glasoava za) **da se nadležnoj komisiji da dodatni rok od 15 dana, da se razmotre zahtjevi koji su stigli od Uprave za indirektno oporezivanje i eventualno novi amanamani te da se Domu dostavi novi izvještaj.**

Ad - 22: Prijedlog zakona o izmjenama i dopunama Zakona o ombudsmenu za ljudska prava Bosne i Hercegovine (prvo čitanje)

Zamjenik ministra za ljudska prava i izbjeglice **Ivica Marinović** podnio je Domu kratko uvodno izlaganje o Prijedlogu zakona. Pored ostalog, rekao je da je u vezi s ovim zakonskim prijedlogom stiglo mišljenje Venecijanske komisije koje parlamentarna komisija nije imala na raspolaganju prilikom razmatranja Prijedloga zakona, a kojim se predlažu dodatne popravke zakonskog teksta. Zato je predložio da se rasprava o Prijedlogu zakona odgodi i da se Komisiji Doma da novi rok u kojem će sagledati nove činjenice i pripremiti novi izvještaj.

U raspravi u okviru ove tačke učestvovali su: Petar Kunić, Momčilo Novaković, Adem Huskić, Seada Palavrić, Ruža Sopta i Martin Raguž.

Nakon rasprave, Dom je usvojio zaključak – **da se određuje novi rok od 30 dana da nadležna komisija, u saradnji s Vijećem ministara, sagleda nove činjenice u vezi s Prijedlogom zakona o izmjenama i dopunama Zakona o ombudsmenu za ljudska prava BiH, te da eventualno novim amandmanima izvrši popravke Prijedloga zakona i Domu dostavi novi izvještaj.**

Ad – 23: Prijedlog zakona o nestalim osobama u Bosni i Hercegovini (prvo čitanje)

O Prijedlogu zakona o nestalim osobama nije bilo rasprave, pa je usvojen i u prvom i u drugom čitanju. Za Zakon je glasalo 28, a protiv jedan poslanik.

Ad – 24: Prijedlog zakona o plaćama i naknadama sudijske i tužilačke dužnosti i državnih službenika i zaposlenika u Sudu i Tužilaštvu Bosne i Hercegovine (prvo čitanje)

U raspravi o Prijedlogu ovog zakona učestvovali su: Seada Palavrić, Beriz Belkić, Ivo Miro Jović, Nikola Špirić, Petar Kunić, Momčilo Novaković, Sead Avdić i Zlatko Lagumdžija.

Poslije rasprave, predsjedavajući je predložio zaključak – da se da novi rok da nadležna komisija Domu podnese novi izvještaj.

Prijedlog zaključka nije dobio entitetsku većinu – za je glasalo 15, protiv 11, uzdržala su se 3 poslanika. Po entitetima, iz RS-a za su glasala 3, iz Federacije BiH 12.

Predsjedavajući je konstatirao da će se o prijedlogu zaključka provesti postupak usaglašavanja, u skladu s Poslovníkom Predstavničkog doma.

Ad – 25: Izvještaj Izborne komisije Bosne i Hercegovine o finansiranju Općinskih izbora 2004. godine

Povodom Izvještaja diskutirali su: Mirsad Ćeman, Nikola Špirić i Momčilo Novaković. U ime Izborne komisije govorio je Vehid Šehić.

Nakon rasprave, Dom je jednoglasno (prisutno 29 poslanika) usvojio Izvještaj Izborne komisije Bosne i Hercegovine o finansiranju Općinskih izbora 2004. godine.

Ad – 26: Prijedlog rezolucije o uvođenju moratorija na sve zakone i odluke kojima se uvode nove privilegije izabranih zvaničnika u izvršnoj i zakonodavnoj vlasti
– predlađač poslanik Zlatko Lagumdžija

Zlatko Lagumdžija obrazložio je Prijedlog rezolucije.

U raspravi su učestvovali: Momčilo Novaković, Hazim Felić i Zlatko Lagumdžija.

Nakon rasprave, predsjedavajući je Prijedlog rezolucije dao na glasanje. Za je glasalo 16, protiv 10, uzdržala su se 2 poslanika. Po entitetima, iz Federacije BiH za je glasalo 10, iz Republike Srpske 6.

Predsjedavajući je konstatirao da je Dom usvojio Rezoluciju o uvođenju moratorija na sve zakone i odluke kojima se uvode nove privilegije izabranih zvaničnika u izvršnoj i zakonodavnoj vlasti.

Ad – 27: Imenovanje člana Vijeća Regulatorne agencije za komunikacije Bosne i Hercegovine

O prijedlogu Vijeća ministara nije bilo rasprave.

Sa 29 glasova za i jednim uzdržanim dr. Milorad Živanović imenovan je za člana Vijeća Regulatorne agencije za komunikacije Bosne i Hercegovine.

Ad – 28: Imenovanje tri člana u Zajedničku komisiju oba doma radi postizanja sporazuma o istovjetnom tekstu Zakona o javnim nabavkama Bosne i Hercegovine

Iz Predstavničkog doma u Zajedničku komisiju imenovani su Momčilo Novaković, Hazim Felić i Filip Andrić.

Ad – 28: Davanje saglasnosti za ratifikaciju Sporazuma između Bosne i Hercegovine i Organizacije za zabranu hemijskog oružja (OPCW) o privilegijama i imunitetima OPCW-a

Dom je jednoglasno dao saglasnost za ratifikaciju ovog sporazuma.

Ovim je realiziran dnevni red 43. sjednice.

Sjednica je završena u 15,20 sati.

Sastavni dio Zapisnika je transkript 43. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Martin Raguž